


# ДЬУЛУРҢАН



бэлиэ түгэн

## Үйэ анардаах үтүө өйдөбүл

### Чурапчытаабы спортивной интэринээт-оскуоланы бүтэрбиппит 50 сылын туолла



▲ Д.П.Коркин 70-с сылларга.

Очолорго спортивной оскуола дириэктэрэ Константин Сергеевич Постников бэйэтин ахтыгытыгар манньк суруйбут: «1972–73 үөрэх дылыттан интэринээт-оскуола дириэктэрэ Алексей Спиридонович Шадрин Үөрэх министерствотыгар туруорсуутун түмүгэр 6–10 дизри 8 кылаас комплектаах, наар спортивной набордаах интэринээт-оскуола буола кубулуйбута. Онон Алексей Спиридонович Чурапчытаабы оҕо спортивной оскуолатын төрүттээчинэн буолар. А.С. Шадрин Дмитрий Петрович таһаарыылаахтык үлэлииргэр интэринээт-оскуола коллективын кини тула түмэ тардыбыта, бу сыалы олоххо киллэриигэ оройуон салалтатын, республика спордун уонна үөрэбин салайааччыларын тылыгар киллэрин эргиччи көмөнү олохтообута.



▲ 1973 с., ыам ыйа.

**2023** сыл спортивной эйгэбэ — бэлиэ сыл: Бүтүн Арасыйыа уонна Сахабыт сиригэр спорт уонна физкультура сайдыытын 100, улуу тириэньэрибит Дмитрий Петрович Коркин төрөөбүтэ 95 сылларын бэлиэтиибит. Ону сэргэ биһиги, Чурапчытаабы спортивной интэринээт-оскуоланы 1973 сыллаахха бүтэрбиттэр, быйыл үбүлүөйдээх 50 сылыбыт.

Дьэ ол түмүгэр, А.С. Шадрин Чурапчытаабы интэринээт-оскуола дириэктэринэн үлэлиир сылларыгар, Д.П. Коркин итиллээччилэрэ — республика, Россия, Союз, Европа, Аан дойду, Олимпийскай оонньуулар үрдүк чыпчаалларын ылбыттарар. Мантан көрдөххө, биһиги дириэктэрбит Алексей Спиридонович төрүттээбит спортивной интэринээт-оскуолатын бастакы выпуһа буолабыт.

### Оскуоланы 51 буолан бүтэрбиппит

Элбэх оҕону олох киэн аартыгар агаарбыт, киһи, үлэһит онорбут Чурапчытаабы оҕо спортивной интэринээт-оскуолатын 1973 сыллаахха бүтэрбит үөрэнээччилэр иппит кыһабытыттан куорсун аньынан көппүшүт номнуо 50 сыл буола оҕуста. Биһиги оскуоланы 51 буолан икки кылааһынан бүтэрбиппит — 16 кыыс, 35 уол. Кылааспыт салайааччылар: ССРС спордун маастардара Калачев Петр Николаевич уонна Горохов Денис Денисович этилэр. Оскуола дириэктэринэн, үөһэ ахтыбытым курдук, Саха республи-

катын үтүөлээх учуутала А.С. Шадрин үлэлиирэ. Завучтар Яковлева З.Н., Лукина Е.С., иитэр үлэбэ Афанасьев А.Г. билиигэ-көрүүгэ утумнаахтык уһуйбуттара. Военругунан Аҕа дойду сэриитин бэтэрээнэ, бойбуой орденнар, медаллар кавалердара Павлов И.М. үлэлээбит. Постников К.С. спортивной оскуола дириэктэрэ этэ. Биһигини үөрэппит учууталларбытын: Лукина Екатерина Семеновна, Платонова Анна Александровна, Горохов Денис Денисович, Калачев Петр Николаевич, Абрамов Роман Романович, суруйааччы, Саха АССР оскуолаларын үтүөлээх учуутала Павлов Николай Николаевич-Тыаһыты, Жирков Семен Ильич, Октябрьскай революция орденнаах бойбуой офицеры, норуот хаһаайыстыбатын үтүөлээх үлэһитин Кривошапкин Роман Христофорович, САСР, РСФСР, ССРС үтүөлээх тренерин Коркин Дмитрий Петрович уо.д.а. истин-иһирэх тылларынан ахтабыт.

Ийтгэн-аҕаттан, дьэ-кэргэнэригэр, дойдуларгытан тэйэ сылдыар оҕолорго дууһаларын сылааһын, ийэли-аҕалы кыһамныларын биэрбит итээччилэрбитигэр Осипов Егор Константиновичка, Пинигина Елизавета Васильевна уо.д.а. махтал-баһыба тылларын этэбит. Интернат остолобуойун тоҕоойминньигэс астаах повардарын — «маамкаларын» Макарова Анастасия Иннокентьевна, Чепалова Анна Афанасьевна уо.д.а. элбэх көлүнэ оҕолор күндүтүк саныыбыт.

Биһиги махталбыт кинилэргэ мунура суох, олох сокуонунан үгүстэр билигин суохтар, ол гынан баран, кинилэр биһиги өйбүтүгэр-санаабытыгар куруутун бааллар, олох озорорбут тухары улуу учууталга махталбыт сөбүрүйүө суоҕа.

(Салгыытын  
14 стр. көр)

сонуннар ситимнэрэ

### Көмүс көлөһүннэрэ тилиннэ

ХИФУ профессора, ССРС спордун маастара, Саха АССР үтүөлээх тренерэ Николай Кириллович Алексеев-Матбор сырдык аатыгар көнүл тустууга аҕам саастаахтарга республика чемпионатын үөрүүлээх аһыллыгыта ураты бэлиэ түгэни тосхойдо.



Кэксэ сылларга Россия, аан дойду чемпионаттарыгар ситиһилээхтик кыттыбыт бэтэрээн тустууктарга анал бэлиэлэр уонна дастабырыаньалар үөрүүлээх быһыыга-майгыга туттарылыннылар.

Ол курдук, “Россия бэтэрээннэргэ норуоттар икки ардыларынаабы кылаастаах маастара” бэлиэлэр бэтэрээн-маастардарга аан дойду чемпионнара Василий Николаевич Алексеев, Ефрем Ефремович Михайловичка, Семен Семенович Соркомовка туттарылына. Оттон “Россия бэтэрээннэргэ спордун маастара” ааттар аан дойду уонна Россия бэтэрээннэргэ күрэхтэһиитигэр бастаабыт уонна мизстэлэспит Федот Архипович Соловьевка, Ин-

нокентий Семенович Кочкинна, Василий Романович Пахомовка, Николай Титович Григорьевка, Вадим Петрович Даниловка, Герасим Николаевич Дьяконовка, Сергей Егорович Ноговицынна ананна.

Олохторун спорка, чуолан көнүл тустууга анаабыт, көбүөргэ көмүс көлөһүннэрин тохпут, оҕо эрдэхтэригэр саҕалаабыт тустууларын, эрчиллиилэрин тохтоппокко күрэхтэһиилэргэ кыттыбыт, үтүө холобурдарынан абыттары батыһыннарбыт дьон сыаллара-сорукутара тилиннэ диеххэ сөп.

Наҕараадаламмыт бөбүстөрбүтүн эбэрдэлиибит!

### Дьэ кэргэн марафона

Ыам ыйын 20 күнүгэр Дьокуускайга «Сбер күөх марафона» ытыгылына. Тэрийээччилэр эттиллэринэн, бу дьэ кэргэн уонна спорт бырааһынньыгар «Юность» стадионна барыта 1500 киһи кытына.

Кинилэртэн бу онус төгүлүн ытыгыттар марафонна 900 киһи сүүрдэ. Тэрээһиннэ биһиги киэн туттар спортсменныт, норуоттар икки ардыларынаабы кылаастаах спорт маастара Сардаана Трофимова кыттан, маастар-кылаас ытыта.

Түмүккэ марафон кыайылаахтарынан эр дьонно Айсен Васильев, дьахталларга Полина Слободчикова буоллулар. Тэрээһин кэмигэр доруобуйаларыгар хаачахтаах оҕолорго көмө оҕоһулунна.

### Монреаллаабы өрөгөй туһунан киинэ

Быйыл, улуу тренер Д.П. Коркин итиллээччилэрин Монреаллаабы-76 Олимпиадага өрөгөйдөрүгэр аналлаах уус уран киинэ оҕоһуллан тахсара былааннанар.



Киинэбэ “Сайсары Синема” эдэр кинематографистара үлэлээлэр. Режиссер Михаил Лукачевскай, киинэ сценарийын ааптара — Алексей Амбросьев. Дмитрий Коркин оруолугар театр уонна киинэ актера, Саха сирин үтүөлээх артыыһа Иннокентий Лу-

ковцев оонньоуба, оттон Роман Дмитриев, Павел Пинигин, Александр Иванов оруолларын туһааннаабынан — Семен Лукин, Гаврил Менкяров, Дьулусхан Андросов толоруохтара.

“Дьулурҕан”.

түһүлгэ дуораана

# Уһун тыыннаахпытын өссө төгүл көрдөрдүбүт



▲ Хаҥастан-уҥа Алена Татаринова, Наталья Леонтьева, Александр Моеда.

Санкт-Петербурга «Царскосельской марафон» дииҥ аатынан Арассыыйа биірдиілээн-хамаанданан чемпионата ытыллан ааста. Биһигиттэн классическай марафон дистанциятыгар биллэр быһыйдарбыт Наталья Леонтьева, Александр Моедо уонна Борофонго ытыллыбыт Саха сириҥ норуоттарын спортивнай оонньууларын марафонна кыайыылааҕа Алена Татаринова (Узнаева) сүүрдүлэр.

Биһиги быһыйбыт Алена Татаринова 2:36:58 кэлэн, спорт маастарын нуорматын холкутук толордо. Мин 30-с км ааспыт бириэмэлэрин көрөн баран: «4-с иһэр кыһы куотар буолбут, сатаннаҕына 3-с да буолуон сөп» — дии санаабытым кыалыбата, түмүк биэтэк чугаһыгар уһун сыры дабайыыга атахтара «тутан кэбиспиттэр». Итинник буолааччы.

Алена мантан тэптэн, санаата күүһүрэн, өссө күүскэ эрчиллэн марафонна кыттар, көрдөрүүтүн тупсарар баҕалааһын билэбин. Ону ситиһэргэ олоһун аргыһа, эрэллээх кэргэнэ Михаил, тренерэ Олег Петрович Харитонов, бэйэтэ соторуаангыга диири сүүрү, күрэхтэһэ сылдыбыт биллиилээх ультрамарафонец, «Комрадс» экстремальнай марафон кыайыылааҕа, РФ спордун үтүөлээх маастара, РФ үтүөлээх тренерэ тоух кыалларын барытын оноруохтара дии эрэнэбит. Бүгүҥнү Россия призердара кыргыттарга «уйаларыгар уу киридэ» быһыылаах.

Саша Моедоны сүүрүү былаһын тухары элбэхтэ көрдөрбүт буоллактарына, Аленаны олох көрбөтүм. Иккитэ хаста Наташа Леонтьева

сүүрэн иһэрин көрдүбүт. Элбэх, баай спортивнай уопуттаах Наташа бу марафону эмиэ бастакы сүүрүүтэ, оһон сэрэнэ собуус сүүрдэ быһыылаах. Финишкэ олох холкутук кэлбитэ. Бириэмэтэ 2:39:10. «Сыйыа марафонна көһөн эрэр дуу?» — дии санаа киридэ. Уопут, кыах да баар киһитэ, сүүрүөҕэ. Кэтэһиэхпит.

Моедо Александр кэлин биіртэн биір талаана арыллан иһэрэ сүүрүүнү таптааччылары үөрдэр. Дьининэн, кини марафону маннык таһымнаах күрэхтэһиһгэ аан бастаан сүүрдэҕэ дии. Бириэмэтэ 2:30:46 (14-с миэстэ). Саҕалааһын куһаҕана суох буолла. Манна 40-рин ааспыт сэниэлээх бэтэрэһинэр элбэхтэр быһыылаах. Ону биһиги Сашабыт бэйэтин саастыылаахтарын бөлөҕөр үһүс буолбутунан быһаарабыт. Марафонунан саастаах дьон ситиһиһлээхтик дьарыктаналларын илэ көрдүбүт. Оһон биһиги уолбут бу классическай марафонна ситиһиһлэрдээх буолуон сөп. Дистанция былаһын тухары ылыбыт тэтимин быспакка кэллэ. Сэниэтэ, ис ресурсата баар. Манна кини саастыылааҕа Иван Кузнецов дииҥ марафонец уопсай

түмүккэ чемпионнаабыт Илдар Миншингэ (2:17:45) 10 сөк., иккис тахсыбыт Владимир Чистяковка (2:17:54) 1 (!) сөк. куоттаран 3-с миэстэ буолбута элбэҕи этэр.

Бэтэрээн сүүрүктэрбит бу марафонна балайда ситиһиһлээхтик кытыннылар. 69 саастаах Петр Пестряков 3:17:51 дистанцияны түмүктээн, бөлөҕөр холкутук бастаата, 3-с миэстэҕэ биір дойдулаахпыт Николай Заровняев тахсан (3:29:54) үөрдэ. Петр Петрович универсал сүүрүк, 400 м саҕалаан 42195 м диири эриэ дэхситик сүүрэр. 2020 сыллаахха Чурапчыга 1 чаастаах сүүрүүгэ кыайан, юбиляр Спиридон Макаров туруорбут убаһа бириһин ылыбыттаах. Бу сырыыга Арассыыйа марафонна чемпионун аатын ыллаҕа.

Республика чэлпэки атлетика ыстаарсай тренерэ, Федерация толорор салайааччыта, ультрамарафонец, норуоттар ыккардыларынааҕы кылаастаах спорт маастара Василий Спиридонов — Александр Моедо тус тренерэ, манна сүүрэр суолга тахсан хоһонон көрдө уонна 50–59 саастаахтарга 2:57:09 кэлэн 5-с миэстэҕэ таҕыста, өссө да буораҕа кураанаҕар барыбытын итэҕэттэ.

Саха сириҥ марафонцэтра хамаанданан 3-с буоллулар. Очукуо ааҕытыгар Алена Татаринова (5-с миэстэ), Наталья Леонтьева (7-с миэстэ), Александр Моедо (14-с миэстэ) көрдөрүүлэрэ учуоттаннылар. Урут ситиһиллэ илик көрдөрүү. Уус Алдантан төрүттээх Артур Бурцев Санкт-Петербург аатыгтан кытына (10-с миэстэ). Кини

олох үчүгэйдик сүүрэн иһэн кэлин быстан хаалан, 3 киһини иннигэр киллэрбит. Марафону эмиэ аан бастаан сүүрбүт.

Бу Царскосельская марафон чэрчитинэн полумарафон (21,1 км) ытыллан элбэх киһини хаппыт. Манна сахалар эмиэ бааллар. Ордук ситиһиһлээхтик Чурапчы ыччата Константин Драгунов кытына, 1:09:10 элэстэнэн кэлэн үрүҥ көмүс мэтээли иһиннэ. Бастаабыт Ясницкай Кирилл-тэн 1 мүн. 2 сөк. хаалла. Дьахталлар сүүрүүлэригэр спорт маастара Надежда Бут (Сергеева) Ирина Лапицкаяҕа, Елена Калашниковаҕа куоттаран бороонса мэтээлгэ тигистэ. Бириэмэтэ — 1:18:08. Куһаҕана суох. Надя ааспыт күһүн 100 км Арассыыйа чемпионун үрдүк аатын ылыбата. Аны полумарафонна миэстэлэстэ.

Оһон бу Царскосельскаядаагы марафонскай сүүрүү биһиэхэ сахаларга элбэх үөрүүнү, дуоһуйууну аҕалла. Сайынны сезон саҕаланна. Күрэхтэһиһлэр бааллар. Саха сириҥ бэтэрээн быһыйдара элбэх сыл кэһниттэн бэс ыйыгар Үөһэ Бүлүү стадионугар түмсүөхтэрэ. От ыйын бүтүүтэ Чувашия киин куоратыгар Чебоксарыга Арассыыйа бэтэрээн маастардарын күрэхтэһиһтэ ытыллыары турар. Оһно кыттан былырынны ситиһиһит алҕаска кэлбэтэбин дакаастаахтаныт. Ити кыаллар сорук. Барыахпытын эрэ наада.

**Ыстапаан ЛЫТКИН,**  
үлэ, спорт бэтэрээнэ.

ааҕааччы санаата

## «Кыайыы Уота» сүүрүүгэ кытынным

Ыам ыйын 8–9 күһнэригэр Улуу Кыайыы 78 сылын көрсө Дьокуускай — Маҕарас — Бэрдьигэстээх маршрутуһан 200 км факел уотун тутан, кэриэстэбил сүүрүү ытылыһна.

Дмитрий Николаевич Горохов — энтузиаст. Сүүрүү дииҥ баран муннука ытаабыт киһи. Киһини урут-уруккуттан экстремал-сүүрүүк, йоганан дьарыктааччы, араас спортивнай оонньуулар уоттарын тирээччи киһинэн билэбин. Бэйэтин да кытта билсибитим син ыраатта. Үлэһиһир сирбэр кэлэн коллегаларбын йоганан дьарыктыыр, ону таһынан киниэхэ сүүрүүгэ дьарыктананын.

Биірдэ кэпсээн турардаах: «Факел Победы» дииҥ сүүрүү хамандааахпын, патриотическай пробегтары оноробут, эйигин хамаандаҕа киллэриһхпин баҕарабын дииҥ. Мин сүүрүүнэн дьаныардаахтык дьарыктанар былааннаах буолан, тутта сөбүлэспитим.

Кэһники толкуйдаан көрдөхпүнэ, Дмитрий Николаевич барыларын бу хамаандаҕа ыһгырбат эбит. Биір эмит таба көрбүт, сүүрүүн сөптөөх эрэ киһитин ыһгырар. Оһон миэхэ биір өттүнэн эппиэтинэс, атын өттүнэн эмиэ да үөрүүлээх, долгугуулаах. Этэргэ

дылы, улахан конкурсу ааһан талыллан кирибиппэр.

Бу ыам ыйын 8–9 күһнэригэр Дьокуускай-Маҕарас-Бэрдьигэстээх маршрутуһан буолбүт

пробег — мин бастакы пробегым. Ол иннинэ бу кэһники сылларга куораппытыгар буолар забегтарга хаста даҕаны кыттыбытым. Маннык уһун сүүрүүгэ бастакы хоһонуум. Ол да буоллар, дьону кытта тэһнэ сүүрдүм.

Сүүрүүгэ кытыныны ылылар: Митина Александра, Доргуева Валентина, Егорова Анна, Михайлова Айгуля, Неустроева

Наталья, Егорова Яна, Барашкова Ульяна, Оготоева Ирина, Бурашева Валентина, Ючюгьева Лаура, Слепцова Виктория, Попова Ульяна, Ядрихинская Анна уонна салайааччыбыт Горохов Дмитрий Николаевич.

Маннык патриотическай сүүрүүлэр эдэр ыччакка, оҕолорго хоһобур буолаллар. Биһиги эһээлэрбит

сэриилэһэн, биһиэхэ эйэлээх олобу аҕалытыгар махталбытын тиэрдэрбит, кинилэри өрүү умнубаппыт. Сүүрүүбүт кэһигэр хас тохтообут сирбитигэр кэриэстэбил бэлиэһэргэ, пааматынныктарга сибэкки дьөрбөтүн ууран хаалларыбыт, дьонго-сэргэҕэ бэйэбит санаабытын тиэрдэбит.

Маннык сүүрүүлэр сылтан-сыл аайы умнулубакка ытыллыла туралларыгар баҕарабын.

**Лаура ЮЧЮГЬЕВА.**



физкультурнай хамсаанын 100 сылыгар

# «Көбүөргэ кустук оонньуура»

Саха сиригэр бастакы нүөмүрдээх успуорт көрүнгүнэн биллэр көнгүл тустууга сахалартан биир бастакынан Сэбиэскэй Союус успуордун маастара, көнгүл тустууга 1965 сыллаахха Арассыыйа чөмпүйүөнэ буолбут уонна онно «Бастын техникатын иһин» анал бириийинэн наһараадаламмыт, СӨ норуотун хаһаайыстыбатын үтүөлээх үлэһитэ, СӨ Ил Дарханын «Гражданский килбизэн» бэлиэтин хаһаайына, Сунтаар уонна Аллайыаха улуустарын Бочуоттаах гражданина, Күндэйэттэн төрүттээх биир дойдулаахпыт Петр Егорович Попов ыам ыйын 20 күнүгэр 80 саанын томточчу туолла.

Уруттуу түһэн эттэххэ, үс биргэ төрөөбүттүгэр Владимир Попов, ыарахан ыйааһынна диэтэххэ, сахалартан добуочча ситиһилээхтик тустубут ССРС успуордун маастара этэ. Арай эрдэттэн салайар үлэбү эриллэн көбүөргэ чугаһаабатах убайдара, Саха сирэ барыта ытыктыыр, киэн туттар Климент Егоровичпыт тустубута буоллар, арааһа, көбүөргэ даҕаны сирдьигинэчи, силлиргэчи «үлэлиэхтээбэ» хааллабыт.

Дьэ, ити курдук Петр Попов орто ыйааһынна (70 кг) уонча сыл устата урукку Союус үгүс өрөспүүбүлүкэлэригэр, улахан куораттарыгар ситиһилээхтик тустубута. Петр Попов тустуу-

ылаах армияларын үһүс Спартакиадаһын үрүн көмүс призера, 1968 с. Горькайга ытыллыбыт ССРС хамаанданан күрэхтэниитин кыайыылаабыт, бу сылга Фрунзега буолбут Сэбиэскэй Союус зонагаабы күрэхтэниитин кыайыылаабыт, 1961 с. Калининградка ССРС уолаттарга чөмпүйүөнүн үрүн көмүс призера, 1963 сыллаахха Москубага «Спартак» ДСО Бүтүн Союустаабы Киин Сэбиэтин чөмпүйүөнэ, 1964 сыллаахха эмиэ Москубага Арассыыйа ыччаттарга чөмпүйүөнүн кыайыылаабыт, Сибиир уонна Уһук Илин үс төгүллээх чөмпүйүөнэ (1963, 1965, 1969), Саха сирин үс төгүллээх

сэргии, умсугуяа ааһар, истэр буоларым. Ол онтон билбиһит, биһиги тустуукпут Петр Попов хайдах курдук тустан хайалаах Кавказ хотойдорунуун, улуу куйаар истиэптээх монгуол баатырдарынын эрби биитини тэннэ эриһэрин, чыпчылыыах түгэнигэр 2-3 албаһы тэннэ онорон субурутан унаханас бырахсарын. Очотооһу тустууну таптааччылар «дьэ, кылбаннаган тустардаах уол!» дьин сөбүн мээһэбү эптэтэх буолуохтаахтар. Кини көбүөргэ кириэн, кырдык, кустук араас өнүн күлүмнэтэ, дьэргэлдьитэ оонньоторо аҕай эбээт. Оннук күлүмэх тустуулаах этэ.

Мин бу суруйуум ордук итэҕэллээх буоллун дьин, ол саҕанаабы тустууга сыһыаннаах биллэр дьон этиилэрин холобурдуум.

Сахалартан бастакы спортивной суруналыыс Иван Кычкин: «Успуорт көрүнгүн быһыытынан тустуу дьону умсугутар поэзиялаах дуо диһлэрэ буоллар, баар, ону мин Петр Попов курдуктар көбүөргэ табыстахтарына көрөбүн дьин хардарыахтаах этим...»

Тустубутун тухары биир да түгэнигэр тохтоон ылбат, чабылбаннын кириэн-тахсан, албастан албаһы солбуһуннара субурутан олус өрө көтөбүллэн хапсыһара, дьэ чаччы да тустуу кылаан поэзиятын көрдөрүү курдуга.

Оттон аан дойду биэс төгүллээх чөмпүйүөнэ аатырбыт Али Алиев биһиги уолбут тустуутун көрөн баран: «Пусть якутские борцы берут пример со своего земляка Петра Попова. Понаблюдайте за якутом Поповым. Каждому по-



единку Петр отдает себя всего, без остатка. Он шаг за шагом не делает, только вперед», — дьэбиттээх.

Кырдыга да оннук, Петр Попов көбүөргэ да, олоххо да хардыы да чугуйбакка тустубута, үлэлээбитэ, олорбута.

Бу кылгас бэлиэтээһиммэр мин Петр Попову тустуук быһыытынан эрэ ахта сатаатым. Ити үөһэ этэн аһарбытым курдук, Петр Егорович Попов салайар, тэрийэр дьобуруун очотооһу баартыйа кырабы хараба таба көрөн, Петр өссө СГУ-га устудьоннуу сырыттабына Саха АССР Министирдэрин Сэбиэтин тэрийэр отделыгар инструкторынан ылбыттара. Онтон «Горнай» сопхуоска партком сэкиритээринэн аныыллар. Үүнүөх, сайдыах чинчилээх эдэр киһини Хабаровскайдаабы Үрдүкү бартыйынай оскуолаҕа ытталлар. Онтон 1979-1989 сылларга Аллайыахага баартыйа оройкуомун иккис сэкиритээринэн, райисполком бэрэссэдээтэлинэн үлэлиир.

Уон сыл хоту үлэлээн буспучаппыт, сиппит-хоппут каадыр быһыытынан сыаналанан Петр Егорович Попов Дьокуускайга кэлэн өрөспүүбүлүкэ физкультурага уонна успуорка миниистиринэн анаар. Бу эйгэбү ыһыһыт араас үлэлэриттэн биир умнуллубаттарынан, 1991 сыллаабы көнгүл тустууга Арассыыйа чөмпүйүөнэ Дьокуускайга үрдүк таһымнаахтык ытыллыыта буолбута. Салгыы Петр Попов 1999 сылтан «Якутск-энерго» АК каадырга управле-

ниетын начаалынныгынан, онтон бизнсийэбү тахсан баран араас үлэлэргэ эмиэ үтүө суобастаахтык үлэлэтэлээн сылдыбыта.

Уһулуччулаах тустуук таптыыр дьарыгы, өр сылларга тустуу көбүөрүгэр алтыһан ааспыт доһотторун-атастарын тустарынан тустууну сэнээрээчиллэргэ анаан, бастаан «Харды да чугуйбакка» (2006), «Саха бастакы маастардара» (2010), «Саха бөбөстөрө Россия чемпионнара» (2013), «Үтүө аат хайдах кэлэрий» дьин бэртээхэй киһигэлэри суруйан күн сирин көрдөртөөбүт үтүөлээх.

Улаханнык санарбарыт да, бу соторуулаабыта биһиги Дьокуускайбытыгар буолан ааспыт Арассыыйа эдэрдэргэ бастыыр иһин күрэхтэниитигэр бастаабыт бэйэбит уолбут Лев Павлов Кавказ уолаттарын улаханнык өрө көрдөртөөбөккө «суулаталыырын» көрө олорон, соһох түгэнигэр Петр Попову саталлаан ылыбыттаабыт. Итинник салтанан бара турдар...

Биллилэх биир дойдулаахпыт Петр Егорович Попов кэргэнинин, Мэнэ Ханалас биллэр-көстөр үлэһит Сергучевтар киэн, халын аймахтарытан төрүттээх Любовь Иннокентьевналыын биир уол, үс кыыс оһону төрөтөн, билигин сиэннэр, хос сиэннэр итии тапталларыгар, сылаас сыһыаннарыгар угутанан олохтон астынадуоһуна үөрэ-көтө олороллор.

**Борис НИКОЛАЕВ,**  
Саха Өрөспүүбүлүкэтин үтүөлээх суруналыыһа.  
Сунтаар.

«... Тэҕиллээх ааттаахтар анньыһар  
Тустуута бу баардыы ньиргийэр –  
Саха сирин, Россия туһугар  
Уолбут дьэ дьохуннаан күөн көрсөр.  
Чаччы да кыахтаахтык тустубут,  
Кыайтарар диэни билбэтэх  
Көлүөнэ эрэлин толорбут  
Кырдыга Бүөтүрбүт үтүөлээх.  
Махталбыт, уруйбут дьэ бүгүн  
Сүрэһи үөрүүнэн толордун,  
Сахабыт чулуукан Бүөтүрүн  
Өрөгөй талаанын туйуохтун!»

Сэмэн Тумат.

га бастакы уһуйулуута Сунтаар 1 №-дээх оскуолатыгар тириньэр Степан Александрович Сон такайытынан ааспыт. Онтон Дьокуускайдаабы педучилищега тириньэр Николай Николаевич Волковка түбэспит дьоллоох. Петр Попов тустуутун кэтээн көрөөччүлэр киһинэх барыта чэпчэкистик, сырата суох ситиһиллэн иһэрин бэлиэтииллэр эбит. Ону айылбаттан талаанынан соруйан тустарга эрэ айыллыбыт курдугунан быһаараллара.

Биллэрин курдук, 70 кг ыйааһынна оччолорго даҕаны дьон киэнэ мургуннара, күүстээхтэрэ тусталлара биллэр. Ол курдук, киһи суостаах утарсааччыларынан дагестанец Станислав Гаджиев, Армениятан ситимнээх Юрий Шахмурадов, осетинецтар Юрий Гусов, Нугзар Журули, Хасан Кочиев, монгол ааттаабы Данзандарав Сэрэтэр уо. д. а. буолаллара.

Уһата-кэнэтэ барбакка, биһиги Бүөтүрбүт улахан кыайылырын ахтыталы түстэххэ: 1968 сыллаахха Болгарияга норуоттар икки ардыларынаабы турнир кыайылаабы, 1965 с. Калининградка Арассыыйа чөмпүйүөнэ. 1967 сыллаахха Монголияга Варшавагаабы дуогабар кытты-

чөмпүйүөнэ (1963, 1968, 1969).

Мин биир бэйэм тустуутан тэйиччи да буолларбын, оҕо сааһым үгүс үөлээннээхтэрин курдук очотооһу көнгүл тустууну хаһыаттарга суруйалларынан, араадыыабы кэпсидиллэрин олус



Бэлиэ түгэн

# Үйэ ангардаах үтүө өйдөбүл

(Бүтэнигэ.  
Саҕаланыыта II стр.)

## Биһиги бастыгнарбыт

Тустуу кыһата буоларын быһыгынан, ол кэмнэргэ Саха сиригэр бары мунуктарыттан тустар талааннаах, баҕалаах оҕолор кэлэн үөрэнэллэрэ. Биһиги выпусктуугар Бүлүүттэн, Сунтаартан, Өймөкөөттөн, Уөһээ Бүлүүттэн, Дьокуускайтан, Амнаттан, Ньурбаттан, Өлүөхүмэттэн чулууттан-чулуулар кэлэн үөрэммиттэрэ. Чурапчы оскуолатын аата-суола Союһу ааһан Аан дойдуга биллибит кэмэ буолан, биһиги үөрэнэр кэммитигэр Союз бастыг тустууктара, тренердэр үгүстүк кэлэн семинардары, дьарыктары көрдөрөр этилэр. Александр Медведь, Александр Иваницкий, Сергей Андреевич Преображенский, казах ааттаахтара Абылсеит Айханов, Аманжол Бугубаев, Амангельды Габсаггаров, Хайдар Карпыков, Аскарбек Иманкулов уо. д. а. кэлиилэрэ элбэх үтүө өйдөбүлү, кэрэ түгэннэри биэрбит эбит.

Биһиги син эмиэ атын выпусктар курдук, тустууга балайда ситиһиилээх выпусктук: 11 — ССРС спордун маастара, 3 — Саха сиригэр үтүөлээх тренерэ (Лугинов А. А., Иванов П. С., Неустроев П. Д.), 1 — Д. П. Коркин аатынан государственнай биримийэ лауреата (Иванов П. С.) үүнэн тахсыбыттар.

Лугинов Афанасий Афанасьевич Нерюнги куоракка “Эрэл” оҕо тустууга оскуолатын төрүттээн, базатын тэрийэн дирижтэринэн уһундук үлэлээбитэ. Элбэх ситиһиилэр кэлэннэр “Нерюнги тустууга оскуолатын” дьин өйдөбүл үөскээбитэ даҕаны элбэҕи этэр.

Иванов Прокопий Семенович тренерскэй үлэтин дойдуттан Өймөкөөттөн саҕалаан билигин даҕаны Дьокуускайга Олимпийскэй эрэллэр училищеларыгар ситиһиилээхтик үлэтихамсыы сыйдыр. Ити сылларга Россия чемпиона Прокопий Петрову иитэн таһаарбыта, республикаҕа оҕолорго сүрүн тренеринэн үлэтир сылларыгар үс Аан дойду чемпионун — Иван Оконешниковы, Алексей уонна Петр Копыловтары, призер Петр Константиновы, Европа чемпиона Василий Слепцову бэлэмнээбитэ.

Амнаттан төрүттээх Неустроев Петр Дмитриевич дойдутугар бочуоттаах сынньаланна тахсар диэри ситиһиилээхтик үлэлээбитэ, Европа улахан дьонно чемпиона Владимир Егоровы иитэн таһаарбыта.

Балайда ситиһиилээх бөҕөстөрбүтүнэн буолаллар: Амнаттан төрүттээх, саха аатырбыт тустууга Сахаачча быраата — Иван Захаров. Кини ситиһиилэрэ ол кэмнэргэ Саха сиригэр тустууктарыгын биир бастыг көрдөрүүлэрэ этэ. Ваня оскуолаҕа үөрэнэр кэмнэригэр ССРС спордун маастара, Кубаҕа ыстыллыбыт норуоттар икки ардыларынааҕы «Дружба» турнир чемпионун үрдүк аатын ылбыта, эдэрдэргэ ССРС уонна Европа үрүн көмүс призе-

ра буолталаабыта. Советскэй Союз бастыг эдэр тустууктарыгын түмэр сүүмэрдэммит хамаанда чилиэнэ этэ. Россия, Союз элбэх түһүлгэлэрин кыайылыаабынан буолары ситиспитэ. Иван Захаров билигин төрөөбүт Амматыгар олорор, үлэтир, иллээх дьиэ-кэргэн амарах аҕата, эһээтэ.

Эмиэ Амнаттан үөрэнэ кэлбит Вася Константинов, норуокка биллэринэн Бадьай Бааска, чачы айылҕаттан бэриһиннэрбит талааннаах тустуук этэ. Оскуолаҕа үөрэнэр кэмнэригэр Россия, Союз элбэх турнирдарын кыайбыта. Оскуоланы бүтэрбит сылыгар Советскэй Союз Геройа Нуркен Абдиров бириһин ылбыта, ССРС спордун маастара буолбута. Кыайыыга дьулуурун иһин анал бириһиннэн наҕараадаламмыта. Эдэрдэргэ ССРС Кубогун хаһаайына Василий Константинов Советскэй Армия Киин спортивнай кулуубугар дьарыктанар кэмигэр дойду күүстээх тустууктарыгын ахсааныгар кирибитэ, Советскэй Союз Сэбиллэниилээх Күүстэрин күрэхтэһиилэригэр, норуоттар икки ардыларынааҕы доҕордуу армиялар турнирдарыгар (СКДА), Венгрияҕа, Монголияҕа, Болгарияҕа буолталаабыт норуоттар икки ардыларынааҕы күрэхтэһиилэргэ ситиһиилээхтик тустубута. Хомойуох иһин, Василий Константинов кыаҕын ситэ арылбаҕа, эдэр сааһыгар биһиги кэжкэбиттээн хомолтолоохтук туораабыта.

Оскуола сыллара хас биридии киһи олоҕор саамай дьоллоох кэрдиис кэмнэрэ, сыл-хонук аастаҕын айы доҕотторун, учууталларын, оскуолаҕааҕы сылларын өссө күндү буолан иһэллэрин бары даҕаны билэн эрдэхпит. Бу сыллар тухары араас идэлээх үлэһит буолан, үөрэммит кыһабыт аатын үрдүктүк тутан кэлибит, норуот хаһаайыстыбатын араас салааларыгар, үксүбүт физкультура уонна спорт эйгэтигэр үлэлээн сэмэй ситиһиилэрдээхпит.

## «Оҕонньор мөбүөҕэ, дьарыкка барыабын»

Ордук чорботон тренербитин Дмитрий Петровиһы ахтыа эитбит, үксүбүтүгэр инники олохпутун ыйан биэрбит киһибитин. Кини 40 сааһын сана ааспыт, айымнылаах үлэтин үгэнигэр сылдыра. Оччолорго кылааһынан тустууга дьарык нэдиэлэҕэ 3–4-тэ буолара, борцовкаларбытын трикобутугар суулаан, хоннохпут анныгар кыбынан: “Оҕонньор мөбүөҕэ, дьарыкка барыабын” дьин ырыалаах спортзалбытыгар сүүрэрбит. Тренербитин олус убаастырыбыт, сүдү киһи буоларын бэлиэтээн, бэйэбит икки ардыбытыгар “оҕонньор” дьин ааттырыбыт. Дьарыктары барытын бэйэтэ ыытара, биридэ хойутаабытын, этэ дьарыгы көтүпүтүн ончу өйдөөбөшпүт.

Дмитрий Петрович маҕан полоскалаах күөх спортивнай көстүүмүн кэтэн, биһиги ту-



▲ Оскуоланы бүтэрбиһипит 45 сыла. 2018 с.

стуу албастарын хатылырбытын кэтээн көрөрө, кэрийэ сылдьан сыһаларбытын ыйаракөннөрөрө, сороҕор бэйэтэ тустуу албастарын көрдөрөрө. Дьарык ытыгыгар Дмитрий Петровичка — Семен Морфонов уонна Киевтээҕи тренердэр оскуолаларын бүтэрбит Николай Леонтьев көмөлөһөллөрө.

Ону таһынан оччолорго күннээн туста сылдьар Дмитрий Петрович бастыг итиллээччилэрэ, оҕолорго сахалартан бастаах Аан дойду чемпиона Илларион Федосеев, эмиэ оҕолорго Аан дойду призера Семен Макаров, оҕолорго сахалартан бастаах ССРС чемпиона Вячеслав Карпов — студены сылдьаннар сбордарга, каникулларыгар кэлэн дьарыктанар буолаллара уонна тренердэригэр көмөлөһөн араас сана албастары көрдөрөллөрө, олору үөрэтэллэрэ. Анаардас ити ааттаах-суоллаах убайдарбыт аттыларыгар биридэ дьарыктанарбыт, биридэ эмит көбүөргэ утарыта турарбыт биһигэ элбэҕи биэрбитэ. Дьарык бириэмэтигэр тренербит кинэ көрдөрөрө. Николай Захаров-Сахаачча, Роман Дмитриев тустууларын элбэхтэ көрөрбүт. Дьарык быһыгыгар сынньаланна илиитинэн хомуйа тардан, бэйэтин иннигэр олодору уонна сыал-сорук туруора, өрүү итэр-үөрэтэр тыллары этэрэ, үөрэхпитин туоһулаһара, баттахпыт кырыллыгытын хонтуруоллуура.

Бээтинсэҕэ, эбэтэр субуотаҕа дьарыкпыт бүтүүтэ хомуйан ыла: “Сарсын өрөбүл, онон күнү быһа сынньанабыт, уруоккутун аабын, танаскытын суунун, киинэтэ көрүн, кинигэтэ аабын, ол гынан баран, сарсыарда 10 чааска кэлэбит!” — диирэ. Онон өрөбүл күн сарсыарда мустубуппутун кэннэ: “Дьэ бары кэлбиккит олус үчүгэй, бүгүн өрөбүл, онон күнү быһа сынньанабыт, ол гынан, 2 чааска кэлэрин!” Киһэ киинэ иннигэр эмиэ ыгырар. Кэлин өйдөөтөхпүтүнэ, ол Дмитрий Петрович биһигини бэрээдэктир албаһа эбит, онно-манна кэлбэтиннэр-барбатыннар, улдьаарбатыннар дьин. Кытаанах ирдэбиллээх тренер этэ.

## Кумааҕы тустууктарынан оонньуурбут

Ити сылларга Чурапчыга көнүл тустууга араас элбэх күрэхтэһиилэр ыгытылаллара, Николай Барашков бириһингэр Казахстан Союзнай Республикатын тустууктара кэлэн кытталлара. 1972 дуу, 1973 сыллаахха дуу ыгытыллыбыт Барашков бириһингэр Роман Неустроев Казахстан ааттааҕын Бакытхан Сайхановы партерга түһэрэн “растяжкалаан” чыыстайдык уурбутугар, заал иһэ олох бу тоҕо барыах курдук үлэһини турбута. Дьэ кырдык, чурапчылар оччолортон тустууга сүрдээҕин ыалдьаллара, оҕолуун-дыахтардыын бары көрө кэлэллэрэ.

Дирижтэрибит Постников К. С.: “Ынах ыама буоллар хааллын, тустууга бардыбыт дьин дэлэҕэ этиэхтэрэ дуо”, — диирэ. Элбэх республиканскэй, зональнай күрэхтэһиилэргэ улахан дьон тустууларыгар биһиги оскуолабыт оҕолоро ситиһиилээхтик кытталлара, бириһистээх миэстэлэргэ үгүстүк тиксэллэрэ. Оттон онно кыттыбат оҕолору Дмитрий Петрович судействоҕа үлэлэтэрэ, онон тустуу судействотын практикаҕа билэргэ үөрэнэрбит. Ити билибит кэнники физкультурнай ВУЗ-тарга үөрэнэрбитигэр, үлэбитигэр даҕаны улахан туһалаах буолбута.

Биһиги үөрэнэр сылларбытыгар интернатчиктарга кумааҕы тустууктары онорон туһуннары күүдүйэ сылдыбыта. Кумааҕынан тустууктары кырыһан, триколаан, аат биэрэн туһуннарабын, онно быраабыланы тутуһуу кытаанахтык ирдэниллэрэ. Паарта, эбэтэр орулор икки өттүгэр утарыта олорон үрэн туһуннарабын, кумааҕы дьоммут дьиннээх дьон курдук хапсыһаллара, ыһыһаһы, азарт бөҕө буоларбыт. Хосторунан, кылаастарынан кэрийэ сылдьан туһуннарабыт. Судуйалары анаан, республика күрэхтэһиититтэн — Аан дойду, Олимпийскэй оонньууларга тийэ ытырарбыт, ол барыта халын тэтэрээккэ сурулла сылдыра. Ити кумааҕы тустууктарынан биһиги убайдарбытын Роман Дмитриев,

Александр Ивановы, Павел Пинигини сэргэ оччотооҕу аан дойду бастыг бөҕөстөрө Монголиятан Жамсран, Америкааттан Дан Гейбл, Японияттан Умеда, Болгарияттан Николов уо. д. а. буолаллара.

## Учууталбыт 95 сылын киэн тутта көрсөбүт

Дмитрий Петрович ити сыллартан научнай үлэһэн үлүһүйэн дьарыктанара, онно биһигини эмиэ кытыһанара. Күрэхтэһиилэргэ ханнык тустуук хайа албаһы хаста онорбутун суруйарбыт, араас аппаратарга дьарык бириэмэтигэр хонтуруолланарбыт. Ону барытын суруйан ааҕар аппаратакка суоттуурбут. Киһэ хойукка диэри дьыһтигэр үлэлээтэхпитинэ, хайаан даҕаны аһатан ытырар этэ. Онно өйдөөн көрбүттээҕим, дьыһтигэр туох барыта уурбут-туппут курдуктун, олус ырааһын, астарта олус миннигэһин.

Саха норуотун улуу киһитэ, педагог-тренер Д. П. Коркин курдук киһигэ үөрэнэн, саха сөбүлүүр көрүнүгүн көнүл тустуунан дьарыктанан биһиги олоххо элбэххэ үөрэммиттэ, кэрэҕэ-үчүгэйгэ тардыһыбыт олохпут тухары арыаллыы сылдыр. Кини олобун сүрүн соруга — тустуу спордун туһанан, учуутал быһыытынан оҕоттон үчүгэй киһини иитэн таһаарыы этэ. Оскуолаҕа үөрэнэр сылларбытыгар, кэлин даҕаны тренербит дьыһтигэр элбэхтик сылдыбыт, онно олобун доҕоро Александра Семеновна ийэли эйбэс сыһыанын, сүбэтин-аматын, миннигэс аһын хаһан даҕаны умнубаппыт. Билигин Александра Семеновнаны көрүстэхпитинэ, ол түгэннэри истинник санаан өрүү махтанан ааһабыт.

Учууталбыт төрөөбүтэ 95 сылын киһигэ үөрэммит элбэх көлүөнэ оҕолорун кытары биһиги эмиэ киэн тутта көрсөбүт.

**Валерий ЛЫТКИН,  
РФ үлэҕэ бэтэрээнэ,  
СР спордун бэтэрээнэ,  
Чурапчы улуһун Алаҕар  
нэһилиэгин бочуоттаах  
гражданина.**